

E faitauina foi Matua

Fesoasoani i lau tama i le – *Numera: faaopopo, toese, faatele ma le vaevae*

E auala atu i soo se faagaioiga lava i aso taitasi ma taaloga, o tulaga faanatura le faaaogaina ai lava e tamaiti ia fuainumera. E iloa lelei e tamaiti laiti ona faasoa atu mea e pei o lole ina ia tutusa tagata uma poo le faaopopo foi se vaega mai sana uó i ana mea ma vaai pe fia le aofai. E tatau i a tatou ona fesoasoani i tamaiti ina ia latou vave maua auala faigofie e faaoga ai fuainumera



E faapefea ona a’oina e tamaiti le faaaogaina o fuainumera?


Ina ua faatoa amata ona a’o le faitauina o fuainumera e tatau ona i tamaiti ni mea autú (objects) ina ia mafai ona faaopopo i ai, toese, faatele poo le vaevae ia tutusa lelei. O le a o latou i se faasologa e manaomia ai le vaai tino ma faitau mea taitasi, e taitasi tasi i le taimi.

E manaomia lo tatou fesoasoani i tamaiti ia amata ona faitau mai fuainumera lapopoa ma faaopopo pe toese se fuainumera lona lua. E manaomia foi i tatou uma ina ia tatou fausia ni ata faalemafaufau o se kulupu poo se aofaiga ina ia aua ai le faalagolago pea i le vaai tino i mea autú. Ia fesoasoani i tamaiti ina ia latou matuá “vaai” faalemafaufau i kulupu o mea, o le a fesoasoani ai foi i a latou i le faatele ma le vaevae a o lei a’oina le faatele (tables).

E faitauina foi Matua

O le a lau mea e mafai ona fai i le fale?

- Fai taaloga i luga o laupapa pei o le *Snakes and Ladders* e faaoga ai maa taisi e lua ma faamalosi i lau tama e faaopopo ia fuainumera e lua pe a uma ona lúlú le taisi. Faasino i ai ia faaopopo amata mai le fuainumera lapoa.
- Fai taaloga i luga o laupapa pei o le *21 or bust*. I le taaloga lea, e tailua pepa e tufa i tagata taaalo, ona latou faaopopoina lea o fuainumera. E mafai e soo se tagata ona toe aumai nisi ana pepa mai le “kitty”, o le sini o le malo ia pito i maualuga lava ae aua nei sili atu i le 21.
- Faasoa ni fualaaui aina pei o moli saina ma faaopopo le aofai o fatu moli a oulua uma.
- Fesili i lau tama pe toe fia nisi mea e manaomia pe a lua o e fai le faatau. *Lea ua i ai apu e ono, toe fia e manaomia ona maua lea o le aofai e sefulu?*



- Vaai i numera o fale a o alu se savaliga. Fesili i lau tama e mate mai le numera o le fale o le a soso’o mai.
- Sauni le laulau ai mo se tagata e toatasi ma fai i lau tama e ave nisi ipu ia lava mo tagata uma. Fesili i ai pe toe fia nisi ipu e manaomia.
- Faitau le aofai o fuamoia i le kakuni, ma toe faitau ina ua aveese nisi fuamao. *Fesili i lau tama pe fia na ua aveese?*
- Faitau se tusi e i ai se itulau o lisi ai mataupu i lau tama. Vaai se tala poo se mataupu i se itulau ona vaai lea pe toe fia itulau o’o i leisi tala.

E faitauina foi Matua

- Faaaoga pepa malo sa taai ai pepa falevao poo ni atigifagu palasitiki e faatutú ae tauai, le taaloga o le “skittles”. Faamalosi i lou alo e faitau pe fia ua toulu i lalo ae fia foi la e tutú. Tusi le sikoa ia iloa poo ai e malo.
- Usu ni pese e i ai fuianumera. Fai i lau tama e tau le numera e soso’o mai o le pese ae lei usuina leisi faiupu.
- O e tietie taavale ma faasino faailoga na e tau mai ai le mamao mai leisi nuu. I nuu i tua o numera o kilomita e faasolo i lalo i le tai 5. Fesili ilou alo poo le a le numera o leisi faailoga lea e i luma atu.
- Ia tuu i lou alo e faasoa ia mea’ai a le tou aiga. *E fia ni fasi pisa e tipi ina ia lava ai le tailua a tagata uma o le aiga.*
- Fai i lau tama ia faasoa ni mea ia tutusa uma ma fetau i mea a tagata uma.
- Faitau le aofai o ni mea ua aoina mai ni atigi figota i se taga poo fagu lapoa o i ai faamau. Fesili i lau tama pe i ai se auala vave ma faigofie e faitau ai, pei o le faitau tailima.
- Teuteu keke pate i vine ma mea faa’i’ila. Tuu faatutusa le aofai o lola poo mea faa’i’ila i keke taitasi ona fesili lea i lau tama pe fia le aofai atoa o le a manaomia.
- Faitau le aofai o fasi aisa i le tray. Afai o faitau taitasi e lau tama, fautua i ai e faitau ia numera i laina taitasi o le tray. (O le mea masani lava o le a faitau loa tailua).

